

## **D. Jesús Vázquez Almuíña**

### **Conselleiro de Sanidade da Xunta de Galicia**

Edificio administrativo de San Lázaro s/n  
15781 – Santiago de Compostela

Santiago de Compostela, 9 de novembro de 2016

Estimado Sr. Conselleiro;

Dende a **Asociación Galega de Enfermería Familiar e Comunitaria (AGEFEC)**, a **Asociación Galega de Enfermería Pediátrica (AGaEP)** e a **Asociación de Enfermería do Ámbito Galego de Saúde Mental (AEAGSM)**. Queremos transmitirlle que a administración sanitaria non pode permitirse o luxo de formar a enfermeiros/as especialistas e logo non rentabilizar o gran esforzo realizado na súa formación, tanto a nivel humano coma económico. Facendo así un uso deficiente do diñeiro público invertido desaproveitando os coñecementos duns profesionais altamente formados e cualificados.

Nas Estratexias SERGAS 2020, a sanidade galega márcase como un dos retos para os próximos 4 anos o de *“coidar aos bos profesionais para que sexan partícipes da súa organización, sendo máis importante que nunca polos en valor, dándolles moito máis peso ao desenvolvemento da súa excelencia profesional”*. Unha das cuestións relacionadas con isto, é a da aplicación do **DECRETO 81/2016, do 23 de xuño, polo que se recoñece no Servizo Galego de Saúde a categoría estatutaria de enfermeiro/a especialista**. Pero a pesares de que xa fai máis de 3 meses que se publicou este Decreto no DOG, a día de hoxe aínda seguimos sen coñecer nin dispoñer da información de cando comezará a aplicarse.

Ademais de reclamar que no Decreto da Oferta Pública de Emprego para o ano 2017 se inclúan o máximo número de prazas para as nosas especialidades enfermeiras, dende a AGEFEC, a AGaEP e a AEAGSM facémoslle as seguintes peticións:

- **AGEFEC:** Apertura e funcionamento da listaxe de selección temporal para a especialidade de Enfermería Familiar e Comunitaria, coa correspondente dotación inicial de prazas que se irán incrementando a medida que se vaian formando novos profesionais; de xeito que se garanta a inserción laboral da totalidade de especialistas formados.
- **AGaEP:** Apertura e funcionamento dunha única listaxe de selección temporal para a especialidade de Enfermería Pediátrica, así como a reconversión de todas as prazas

relacionadas cos coidados pediátricos ocupadas por enfermeiros/as fixos que posúan a titulación de especialista en Enfermaría Pediátrica.

- **AEAGSM:** Utilización da listaxe da categoría para a cobertura de todas as necesidades en unidades e servizos de saúde mental, facendo contratos como “especialista”. Reconversión de todas as prazas das unidades de saúde mental ocupadas por enfermeiros/as fixos que posúan a titulación da especialidade.

Esperando recibir unha pronta contestación, reciba un cordial saúdo.

Atentamente,

Francisco Jesús Represas Carrera  
Presidente da AGEFEC

Fernando Regueira Casas  
Presidente da AGaEP

Laura Jardón Golmar  
Presidenta da AEAGSM



**Asociación Galega de Enfermaría Familiar e Comunitaria (AGEFEC)**

Rúa Xosé Chao Rego, 8 baixo. CP: 15705 - Santiago de Compostela. secretariatecnica@agefec.org. Tfl: 981 555 920.

**Asociación Galega de Enfermaría Pediátrica (AGaEP)**

Rúa Xaquín Lorenzo, 16, 3ºE. CP: 15895 - Milladoiro. info.agaep@gmail.com. Tfl: 618 564 043.

**Asociación de Enfermería do Ámbito Galego de Saúde Mental (AEAGSM)**

C/. José Gómez Posada-Curros, 10, 4ºH. CP: 36203 - Vigo. aeagsm16@gmail.com. Tlf: 647235565.